

## „I wü di“ von Schwarzweiß

A Zeit laung hob I goa ned gwasst  
dass mir no etwas föht  
hätt ma nie gedocht dass du des sein kennst

Du siagst mi wie's kana tuat  
und sogst ma wos da denkst  
A wenn i oft wos a bissal aundas siag

Und wenn i mol wos foisches moch  
und sog es tuad ma lad  
dann sogst du zu mir des kaun passiern  
Jo wir zwa hoitn zaum

**Denn i wü di immer bei mir hom  
Und i wü di in mein Herzn trogn  
Und i wü di niemois mehr valian  
Denn i wü di immer bei mir gspian**

Red i moi an gaunzn Tog  
nur üba mi söbst  
sitzt du do bei mir und heast ma wirklich zua

Du bringst mi zum lochn  
wenns ma nua zum wanan is  
und du zagst ma dass des ois nur hoib so  
schlimm is

Die gaunze Nocht bleibst mit mir woch  
nur um mir zu zagn  
Du bist do für mi, es steat di nie  
du losst mi nie allan

**Denn i wü di immer bei mir hom  
Und i wü di in mein Herzn trogn  
Und i wü di niemois mehr valian  
Denn i wü di immer bei mir gspian**

*Und i was genau  
dass i bei dir daham bin  
und i was genau  
wo du hingehst wü i a hin  
es kaun nix passiern  
nie mehr valian  
mit dir an meina Seitn  
was i gaunz genau  
i kaun mi traun  
bis ans Ende olla Zeitn*

**Denn i wü di immer bei mir hom  
Und i wü di in mein Herzn trogn  
Und i wü di niemois mehr valian  
Denn i wü di immer bei mir gspian**

imma bei mir gspian  
und niemois mehr valian

## „I will die“ (südtiroler Dialekt Version)

A Zeit long hon i gor net gwisst  
Dass mir no eppas faht  
Hett mor nia gedenkt dass du des sein  
kannsch

Du sigsch mi wias koane tuat  
und sogsch mir wos dir denksch  
a wenn i oft wos a bissl ondersch sig

Und wenn i mol eppes folsches moch  
und sog es tuat mor load  
denn sogsch du zu mir des konn passiern  
jo mir zwoa holtn zom

**Weil i will die olm bei mir hobn  
und i will die in mein Herzn trogn  
und i will die niemols mehr verliern  
weil i will die olm bei mir gspiern**

Red i mol an gonz Tog  
lai iber mi selbor  
sitzsch du do bei mir und hearsch mor wirklich  
zua

Du bringsch mi zun lochn  
wenn mir lai zun plärn isch  
und du zoagsch mir dass des olls lai holb so  
wild isch

Die gonze Nocht bleibsch mit mir woch  
lai um mir zu zoagn  
Du bisch do für mi, es stört die nia  
du losch mi nia alloan

**Weil i will die olm bei mir hobn  
und i will die in mein Herzn trogn  
und i will die niemols mehr verliern  
weil i will die olm bei mir gspiern**

*Und i woas genau  
dass i bei dir dahoam bin  
und i woas genau  
wo du hingeasch will i a hin  
es konn nix passiern  
nie mehr vorliern  
mit dir on meiner Seitn  
woas i gonz genau  
i konn mi traun  
bis ons Ende oller Zeitn*

**Weil i will die olm bei mir hobn  
und i will die in mein Herzn trogn  
und i will die niemols mehr verliern  
weil i will die olm bei mir gspiern**

olm bei mir gspiern  
und niemols mehr verliern